



-O Concello de Gondomar recibe un inventario da súa rede de saneamento elaborado pola empresa Espina e Delfín, co obxectivo de coñecer o "estado das instalacións", tanto dos colectores coma das vivendas, "conectadas e non conectadas" do municipio

-Con estes datos como base, o grupo municipal anuncia que redactará unha ordenanza co fin de regular as conexións á rede e o pagamento da taxa de rede de sumidoiros

En medio [da polémica desatada no municipio polas intervencións nas redes de saneamento](#) , a alcaldía de Gondomar prepara unha nova ordenanza que regulará as conexións a rede así como o pagamento da taxa. Para iso, encargou un informe á empresa concesionaria Espina e Delfín, na que consta un inventario das "vivendas conectadas e non conectadas" á rede do concello.

Segundo o Concello de Gondomar, o obxectivo principal do inventario, realizado pola empresa Espiña e Delfín, foi recompilar información para coñecer o estado da rede de saneamento do municipio, tanto dos colectores, coma das vivendas. Tendo en conta os resultados do inventario, o goberno municipal informa que redactará unha ordenanza que "normalice as conexións á rede de saneamento, ademais de regular o pagamento da rede de redes de sumidoiros e da depuración das augas, cuxa competencia é municipal".

Fernando Guitián, alcalde de Gondomar, afirma que "os datos achegados por este estudo son moi interesantes e nos axudarán a xestionar as necesidades dun xeito máis eficaz. Ademais permitirá unificar a responsabilidade que todos temos para manter o bo estado da nosa rede de saneamento".

Con estas medidas, o Concello de Gondomar anuncia que "pretende atender á responsabilidade ambiental" reflectida no principio comunitario de "quen contamina, paga", establecendo "un marco común para todos co fin de previr e reparar os danos causados no

Baixo o lema “quen contamina paga”, o goberno de Gondomar prepara unha nova ordenanza para a taxa

Escrito por Redaccion @valminorinfo

Xoves, 30 Maio 2013 18:29

medio".